

36 e 15/53,



Od

5701

XVII p. 4^o 108.

Der Obrigkeit Christliche Ermahnung /

an die sämbeliche Gemeine dieser Stadt Dankigt /
Wie sich dieselbe bey gegenwertiger zeit / da die gutte Zeitung
von dem getroffenen ewigen Frieden zwischen Königl: Maje-
statt zu Polen/rc. vnd dem Türckischen Käyser anhero gelanget / gegen
Gott / vnd dem Könige danckbarlich zuverhalten haben.



Im Jahr 1634.

Die sämbtliche Christliche Gemeine hat sich dieses Orths abermall auß grossen vrsachen danckbarlich zuerümmern/ was gestalt **GDZ** der allerhöchste/ auß hochberümbter gnade vnd barmherzigkeit die löbliche Thatten vnser aller gnedigsten Königs vnd Herrn/ Herrn **V** **L** **A** **D** **I** **S** **L** **A** **I** des vierten/ Königs in Polen vnd Schweden/ *ic.* in jüngst verschieenen Winter dieses Jahrs/ mit dem herzlichem vnd denckwürdigen Sieg/ wider den mechtigen Feindt in der **M** **U** **S** **K** **A** **W** begabet/ vnd gekrönet hatt: also daß wir damals/ bey solcher erwiesenen grossen vnverdienten wolthat Gott zu Ehren/ vnd höchstgedachter Majestatt zu **R** **H** **U** **M** vnser Danckfest mit freuden öffentlich haben feyren können.

Nun hatt sich seit derselben zeit begeben/ daß der **T** **U** **R** **C** **K** / von der **K** **R** **O** **N** **P** **O** **L** **E** widerswertigen/ auffgewigelt/ Die zwischen beyderseits Häupter vnd Reiche alte verfaßte **P** **A** **C** **T** **A** zubrechen begunnen/ vnd eine mechtige Armada auff der **K** **R** **O** **N** **G** **R** **E** **N** **Z** **E** **N** anziehen lassen: also daß es nach dem zustandt dieser zeit zu einer grossen gefahr/ vnd schweren Krieg das ansehen gewunnen hatt/ vnd ist insonderheit so viel mehr besorglich gefallen/ weil der hiesige Stillstandt im Lande nunmehr auff noch wenig übrige Monathen angekommen ist.

Es hatt aber **G** **O** **T** **T** der **H** **E** **R** **R** auch für dießmahl seine wunderliche gnade/ vnd vnendliche macht hiebey trefflich bewiesen / demnach so baldt Königliche
Maje

Majestatt zu dem HauptLager der Polnischen Armee in
Podolien genahet/ der Feindt zu Tractaten selbst vrsach
gegeben/ dadurch das Werck so weit gemittelt/ daß etli-
che billige/ vnd Königlicher Majestatt rühmliche Artickell
zu einem stets werenden Frieden auffgesetzt/ die baldt
darauff von den anwesenden Generalen beyder Armeen
beliebet/ vnd volgens durch ratification der ober Her-
ren/ nemlich Königlicher Majestatt vnsern allergnedig-
sten Herrn/ vnd dem Türckischen Käyser betreffiget
worden.

Welches dan für eine solche Zeitung zu sehe-
hen/ daß daraus Gottes gütte gegen der Kron vnter-
thanen/ vnd dero incorporirte Länder/ wie auch dessel-
ben himlischer milter segen/ in alle dem was Ihre Maje-
statt seidt deroselben höchstlöblichen Königlichen Regie-
rung angefangen/ vnd vorgenommen/ reichlich zuerse-
hen/ vnd dannenher von vns allen an diesem orth mit
herzlichem danck/ vnd rechter Christlicher freude ange-
nommen/ bezeuget vnd gesehret werden soll. Darum
wir auch hiemit des Allerhöchsten Namen demütiglich
preisen/ vnd zu ewiger gedechtnuß der mannigfaltigen
gutthaten Gottes solches herrliche gnadenwerck an of-
fentlichen orth erkennen vnd außbreitten.

Es will aber bey dieser gelegenheit ein Rath
zugleich die ganze Gemeine ernst: vnd Vätterlich er-
mahnet/ vnd mit höchsten fleiß angereißet haben/ daß
Sie mit rechtem eyffer vnd inbrünstigem Geist Gott
dem

dem H Ernn für die wolffart dieses Landes herkhlich anzusehen nicht vnterlassen/ damit Er dieses auch zugleich auß lautter gütte vnd barmherzigkeit noch hinzu thun/ vnd vns den lieben Landtfrieden an diesem orth durch bequeme ordentliche vnd Christliche mittel widerum stifften vnd einführen wolle/ auff daß wir der vorigen gutthaten desto volkömlicher geniessen/ vnd also in vnterrückter übung stetter Dancksagung die übrige zeit vnfers Lebens Gottfürchtig vnd bußfertig volbringen mügen.

Welches sich ein jeder ferner in seiner an-
dacht ernstlich wirdt lassen angelegen seyn/ vnd dabey
an gnediger erhörung/ nach dem guten gnedigen
willen Gottes/ nicht zu zweiffeln
haben.





